



Forum Ecclesiasticum


In Quo Jus Canonicum Universum, Librorum Ac Titulorum Ordine Per
Quæstiones Et Responsa, Tam Canonistarum Veterum & Recentiorum,
quàm Legistarum, in iis, quæ Utrique Juri, Canonico Et Civili Communia
Sunt, Authoritate stabilita, Methodo clara & facili explanantur

Leuren, Peter

Moguntiae, 1720

Quæst. 1. Unde sponsalium nomen, & quid importet.

[urn:nbn:de:hbz:466:1-73973](#)



LIBER QUARTUS.

TITULUS I.

De Sponsalibus & Matrimonio.

CAPUT I.

De Sponsalium Natura.

Quæst. I. Unde Sponsalium nomen, &
quid importet.

I. R: Esp. Primo: Sponsalia à spondendo dicta, sponsionem important. Sponsio vero apud Juris Consultos promissionem factam per stipulationem significat. Barb. b. i. n. 3, citans L. sciendum ff. de adit. edit. L. sponsio ff. d. V. S. Unde sponsalium nomen traductum à more antiquo, quo puella nupturæ stipulabantur, seu per stipulationem promittebantur viro ab eis, sub quorum cura & potestate erant. L. 2. de spons. Barb. l. c. licet dein moribus & legibus introductum, ut, dum res haec est frequentissima, & necessaria ad Reipublicæ conservationem, sponsalia absque tali solennitate nudis promissionibus viri ac mulieris, etiam per nuncium ac epistolam perficiantur. L. 5. ff. de sponsal.

2. Resp. Ad secundum primum: Sponsalia triplicem significationem habent. Dum primò minus propriæ accipiuntur pro artha, alisque munerebus à viro dari solitis mulieri sibi nupture. L. 1. c. Si nupia. Secundo frequentius pro matrimonio rato non consummato, c. fin. de spons. duor. c. gni desponsatam. 27. q. 2. Unde celebrato jam matrimonio tali ante consummationem illius contrahentes dicuntur habere sponsalia de praesenti, & appellantur desponsati juxta illud Matth. 1. Cum esset desponsata Mater IESU Maria Joseph: cuius tamen jamtima uxor erat, ut paulo post eodem texu appellatur. Tertiò frequentissimè usitate que magis ac propriè pro promissione matrimonii futuri, veluti ejusdem præambula. c. nostrar. 30. q. 5. L. 1. ff. de sponsal. Quamvis plerumque etiam sponsi dicantur, qui matrimonio jam copulati

illud non consummarunt. Castrop. tr. 18. d. 1.
p. 1. n. 2.

3. Resp. Ad secundum secundò; nomen conjugis, uxoris, viri seu mariti propriissimè competit quidem iis, qui matrimonium consummarunt. Covar. p. 1. de sponsal. c. 1. n. 3. nihilominus etiam ii, qui matrimonio juncti, illud non consummarunt, nuncupari possunt conjuges. Vir, maritus, uxor. Castrop. l. c. n. 3. citatis c. sufficit. c. omnes. 27. q. 2. c. consultationi. c. conjuges. de sponsal. & primum quidem constat ex illo Matth. 1. Noli timere accipere Mariam conjugem tuam. Secundum ex illo Luca. 2. v. 5. Ascendit Et Joseph, ut profiteretur cum Maria desponsata sibi uxore pregnante. Tertium ex Matth. 1. v. 16. Joseph genuit Joseph, virum Marie. An vero prædicta nomina competant quoque sponsis de futuro, non ita certum est. Affirmant competere illis quandoque, sed rarius. Sanch. L. 1. de mat. d. 1. n. 2. Cönnick. d. 21. du. 1. ac ita in favorabilibus sub nomine uxoris & mariti comprehendendi posse, inferunt idem cum Gutt. L. 3. q. 9. can. de mat. c. 1. à n. 5. & aliis arg. L. non sine c. de bonis que liberis, ubi statutum disponens, ut ea, quæ uxor à marito quoad proprietatem acquirit sibi, non patri acquirat, extenditur ad sponsos de futuro, quod tamen verum esse non posse, ostendit è contra Castrop. l. c. n. 4. ex c. si vero, de sentent. excomm. ubi secundum communem opinionem ab excommunicatione can si quis suadente. excusat percutiens Clericum turpiter agentem cum matre, sorore, uxore & filia; & tamen hæc dispositio, etiæ favorabilis, non extenditur ad Clericum verberantem turpiter agentem cum sponsa de futuro, ut ipsi sancti. Cönnick, Guttier. & si secus sit, & extendatur dicta dispositio, si sit sponsa de praesente, etiæ à marito non cognita, ita ut ea nomine uxoris comprehendatur. Ubi hoc observandum cum Castrop. l. c. & Covar. n. 4. quod quoties dispositio aliqua dubia est, qualiter nomen sponsi,

A

R. P. Leur. Jur. Can. Lib. IV.

sponsi, viri, mariti, uxoris, & conjugis sumendum sit, presumendum sit, nisi aliud aliunde colligatur, sumptum esse secundum communem & frequentiorem usum, ita ut nomen sponsi ad sponsos de futuro coniugio, & nomen *mariti* & *uxoris* ad sponsos de praesente referatur; quia verba statuti, dispositionis, legis semper, quo ad fieri potest, intelligenda sint propriè juxta c. in nostra, de injuria.

4. Resp. Ad secundum tertio: Matrimonium, conjugium, nuptiae, et si hodiecum idem significant, Barb. l. c. num. 9. spectato etymo nominis in hoc differunt, quod matrimonium dicitur à matris officio circa prolem, nec immerito, dum præcipius matrimonii finis est proles suscipienda: Barb. l. c. num. 6. Conjugium vero dicitur ab ipso vinculo, in quo constitut formaliter matrimonium. Barb. num. 7. ubi, quod nomen conjugii ceteris sit præstantius, quia substantiam actus petit. Nuptiae vero (sic dictæ ab omnibus, dum olim puella pudoris gratia se obnubelarent, seu faciem velarent, dum viro dabantur) significant potius ipsam traditionem, quia sponsa tradebatur viro, & primam contractus matrimonialis executionem continent circa copulam, ut Barb. num. 8. vel etiam ipsam solennitatem, quia sponsa in domum viri inducebatur, juxta L. mulierem ff. de ritu nupt. uti & hodie non tam pro ipso matrimonii, quod consensu mutuo perficitur, quam pro externa illa solennitate supponunt; uti constat ex dispositione Ecclesiæ, quam tempore adventus & quadragesimæ prohibentur nuptiae, id est, pompanuplia, non vero ipse matrimonialis contractus, si absque solennitate privatum ex causa instituatur. c. 4. de ferus. Engels. b. t. n. 8.

Quæst. 2. Sponsalia qualiter definiantur.

R Esp. Recte illa definiri per promissionem futuri matrimonii, consentiunt omnes juxta L. 5. de sponsal. c. nosfrates, 30. q. 5. Barb. cit. num. 4. Tiraq. de contract. connub. gl. 1. num. 19. Sanch. L. 1. de mat. d. 1. num. 7. Verum, cum hic omissa sunt quedam spectantia ad essentiam sponsalium, nec ea satis comprehendantur in dicta matrimonii futura promissione, explicatiū definiri possunt sponsalia cum Castrop. num. 5. Tolet. in sum. L. 7. c. 7. Valent. &c. quod sint mutua promissio matrimonii futuri, seu de matrimonio contrahendo, signo aliquo sensibili expressa; quibus aliqui addunt: inter personas de jure habiles. Singulorum terminorum hujus definitionis declarationem sufficientem dabunt quæst. seq.

Quæst. 3. Qualiter promissio debet esse vera, & non ficta seu simulata, ut sponsalia constituantur.

I. R Esp. Primo: Promissio constituens sponsalia debet esse vera, & non ficta, seu simulata; quippe quæ promissio non est, sed promissionis fictio, adeoque nullatenus sponsalia constituere potest; quidquid sit de eo, an nihilominus ficta promittens obligetur ad matrimonium contrahendum, de quo mox; illud certum, peccare tales graviter ficte promittendo, & quidem contra justitiam; quia committit mendacium perniciosum in re gravi. Pirh. b. t. n. 4.

2. Resp. Secundo: Promissio exterius facta cum animo promittendi & se obligandi, absque tamen animo implendi id, quod promittitur, nempe contrahendi matrimonii, est vera promissio obligans in conscientia, supposita promissarii acceptatione; cum obligatio non nascatur & dependeat ab animo implendi promissum, sed ab animo promittendi & se obligandi; unde jam sufficiens est ad constituta sponsalia, & vere obligat ad contrahendum matrimonium. Castrop. l. c. p. 2. n. 2. cum communi.

3. Resp. Tertio: Promissio facta exterius seu verboten tantum, proferendo verba materialiter absque animo promittendi, seu utendo signis aut verbis in significacione formali, quam habent, non est vera promissio, essentialiter includens obligationem in conscientia, quæ solis verbis non inducitur, sed essentialiter supponit consensus & voluntatem internam; adeoque non sufficit ad constituta sponsalia, &, quod hinc sequitur, non obligatur talis vi sponsalium ad contrahendum matrimonium.

4. Resp. Quartò: Idem est de eo, qui promittit, sine animo tamen se illa promissione obligandi; quamquam, ut bene Castrop. cit. num. 2. impossibile sit, aliquem velle seu intendere promissionem, & non habere intentionem se obligandi, vel etiam positivè nolle se obligare; cum de essentia veræ promissionis obligare promittentem ad præstandum. Unde jam infero, &

5. Resp. Quinto: Promittentem hoc tertio & secundo modo matrimonium non tantum non vi sponsalium, sed nullatenus, hoc est, neque ex fidilitate, neque ex justitia obligari ad contrahendum matrimonium; ita Less. de ius. c. 18. du. 1. num. 5. Sanch. de mat. L. 1. d. 9. num. 2. Coninck. d. 2. du. 2. concl. 1. Laym. L. 5. tr. 14. p. 1. c. 1. num. 10. contra Valsq. de mat. d. 6. c. 3. num. 27. Pont. L. 1. c. 2. Gutt. L. 3. 99. can. de mat. c. 9. in princ. apud Castrop. l. c. qui tamen & ipse docet, tales, etiamsi non obligetur vi sponsalium, utpote quæ obligationem justitiae inducunt, obligari tamen ex fidilitate. Verum probatur responsio; imprimis talis non obligatur ex justitia: jus enim justitiae non conferunt solis verbis, sed voluntate & intentione manifestata, quæ jus, quod quis haberet, intendit a se abdicare, & alteri concedere; sed qui non haberet intentionem se obligandi ad quicquam, multoq[ue] minus, qui non habet animum promittendi, non intendit transferre jus in alium, esto, pars altera vero promittens intendat in eum transferre, quod ipsa habet, saltem, dum ficte promittens illud non acceperat, sed simulat solum se illud acceptare. Dein neque tales externam promissionem inducere fidilitatis obligationem, ex eo evinci videtur, quod hæc obligatio nascatur ipso jure naturali ex fide alteri data de re illi utili præstanda; quia jus ipsum naturale obligat, ut verum faciat, quod alteri promisit. Jam vero talis alteri vero fidem non dat seu facit, quantumcunque is erroneè putet sibi fidem dari, qui intendit se nullatenus obligare alteri. Item jus naturæ non obligat ad faciendum verum, quod promisit, dum ficte promisit, seu animo non obligandi se ad illud faciendum; quamvis de cætero talis ad evitandum mendacium jure naturæ obligatus erat ad non utendum verbis, quæ animum obligandi significabant, dum hunc non habebat. Unde jam etiam ex eo, quod nemini conce-